

治國國之賊不以智治國國之福知此兩者亦稽式能知稽式是謂玄德玄德深矣遠矣與物反矣然後乃至於大順

智流則假愚近乎真假其自賊推以賊人真則返樸民化以淳於是取則天下歸仁嗚秦以智愚黔首不知黔首愚秦識得真愚髣髴君其問諸漢文

江海爲百谷王章第六十六

江海所以能爲百谷王者以其善下之故能爲百谷王是以聖人欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天下莫能與之爭

道藏輯要

道德真經章句訓頌

卷

心集五

自卑莫如海天下之水趨之自損莫如聖人天下之民歸之水趨之則有以盡地利民歸之則有以得天時故卑者尊之資而損者益之基是皆藏有於其無亦孰知其所以爲哉嗚謙尊損益道之餘觀海當知造化機試看銀河在天上尾閘元有逆流時

天下皆謂章第六十七

天下皆謂我道大似不肖夫惟大故似不肖若肖久矣其細也夫我有三寶保而持之一曰慈二曰儉三曰不敢爲天下先夫慈故能勇儉故能廣不敢爲天下先故能成器長今捨慈且勇捨儉且廣捨後且先死矣夫慈以戰則勝以守則固天將救之

以慈衛之

道大無象有則小矣夫惟三寶天下以治慈以民生儉以民富不敢爲先守常安事惟守惟安所以長器廣則相資勇則趨義捨此取彼戒哉以死推而復之長生久視天道無親惟善是與嘆三寶人共有有之在乎人非慈曷守氣非儉曷嗇精擾擾爲之先曷以存吾神神存精氣合釋釋勿或情勿戰亦勿守自然成吾真

善爲士章第六十八

善爲士者不武善戰者不怒善勝敵者不爭善用者爲之下是謂不爭之德是謂用人之力是謂配天古之極

道藏輯要

道德真經章句訓頌

天

心集五

士不武者以保其身戰不怒者以平其氣勝不爭者其功能全下於人者其善樂取合天德以同歸蓋古人之極致嘆保身平氣兩維艱更信全功取善難水火相和龍虎伏人天合處卽金丹

用兵有言章第六十九

用兵有言吾不敢爲主而爲客不敢進寸而退尺是謂行無行仍無敵攘無臂執無兵禍莫大於輕敵輕敵則幾喪吾寶故抗兵相加哀者勝矣

不主而爲客者妙在乎應以退爲進者惟守諸已行無行者不動其心仍無敵者因之於彼俾一割以要功賤匹夫之疾